



Direktoratet for mineralforvaltning
med Bergmeisteren for Svalbard

Adresseinformasjon fylles inn ved ekspedering.
Se mottakerliste nedenfor.

Dato: 03.12.2019
Vår ref: 19/02772-4
Deres ref:

Tildeling av driftskonsesjon for Vassendemona i Gloppe kommune. Tiltakshaver: Eide Sandtak AS

Leiv Erikssons vei 39
Postboks 3021 Lade
N-7441 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) visert til søknaden om driftskonsesjon datert 24. juni 2019 fra Eide Sandtak AS, med organisasjonsnummer 970 956 131. Eide Sandtak AS, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av sand og grus i Vassendemona på eidegrens gnr./bnr./fnr. 76/6/2 og gnr./bnr./fnr. 76/5/1 i Gloppe kommune. Mineralførekomenstn hører til kategorien mineralsom grunneigaren eig.

Konsesjonsområdet har eit areal på kring 70 dekar og går fram av, sjå vedlegg 1.

Etter reguleringsplan, datert 30.09.1996, med plan-ID1 99601 og namn «Vassendemona grustak» er området regulert til grustak

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplaner eller konsesjon etter anna lovgjeving. Tiltakshavar er ansvarleg for å innhente andre nødvendige løyve.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehand.



DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit

Tiltakshavaren blir pålagd å stille økonomisk sikkerheit med NOK 500 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti for eit grunnbeløp på NOK 150 000, og deretter årlege avsetjingar til ein bankkonto som det skal etablerast pant i til fordel for DMF slik at Tiltakshavaren ikkje kan råde over kontoen på noko vis, begge deler som skildra i punkt 5.11.

Innan 2 månader etter datoén på dette konsesjonsvedtaket skal Tiltakshavaren ha:

- (i) inngått ein avtale om finansiell sikkerheit med DMF, sjå vedlegg 2;
- (ii) lagt fram påkravsgaranti frå bank som DMF vurderer som tilfredsstillande, sjå vedlegg 3;
- (iii) etablert pantet til fordel for DMF, jf. pantelova §§ 4-4 til 4-6, sjå vedlegg 4.

2.3. Bergteknisk ansvarleg

DMF har registrert Stig Seime som bergteknisk ansvarleg for Vassendemona grustak. Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

DMF sett ytterligare to vilkår med følgjande innhald:

- *Markering av konsesjonsgrense*
Innan 2 månader frå vedtaksdato skal konsesjonsgrensa for grustaket settas ut eller merkas, slik at den er lett synlig gjennom heile driftsperioden.
- *Vilkår av omsyn til sandsvaler*
Det skal ikkje foregå uttak av grus/masse i området kor sandsvalen hekkari perioden frå mai til og med juli månad. Det skal tilstrebas å bevare hekkeplass for sandsvale i konsesjonsområdet under drift, samt tilrettelegge for hekkeplass etter avslutta drift. Det vil si at det ikkje bør foretas inngrep, herunder avslutningsarbeid, i områdar kor det hekker sandsvalar. Bratte skrentar må like fullt sikrast i tråd med mineralloven § 49, slik at arbeidene ikkje medfør fare for menneske, husdyr eller tamrein. I forbindelse med istandsetting av uttaksområdet skal det tilrettelegges for hekkeplass for sandsvale dersom hekkeplassen fjernes etter hekkesesongen av drifts- eller sikkerhetshensyn.

3. Godkjenning av driftsplan

DMF godkjenner driftsplanen for Vassendemona. Den godkjende versjonen av driftsplanen ligg ved dette konsesjonsvedtaket.



4. Høyringsfråseger med kommentarar frå DMF

Søknad om driftskonsesjon for sama uttaksområde var på høyring i perioden 19. oktober 2017 til 23. november 2017. Driftskonsesjonen ble då tildelt Eide Sandtak (enkeltpersonsføretak). Endring av selskapsform fører ikkje ei endring av innhaldet i tidlegare godkjent driftsplan. DMF vurderer difor saka som tilstrekkelig opplyst i medhald av forvaltningsloven § 17 og vurderer at det ikkje er nødvendig å sende saka på høyring.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekomstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon. Konsesjonssøknader går gjennom ei skjønnsmessig prøving før det blir avgjort om det skal gjevast driftskonsesjon. I vurderinga av om det skal gjevast driftskonsesjon skal det leggjast vekt på om søkjaren er "skikka" til å utvinne førekomsten. Dette inneber at ein skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkjaren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det òg leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhøyrer kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale/avtalar med grunneigaren/grunneigarane for gnr./bnr./fnr. 76/6/2 og gnr./bnr./fnr. 76/5/1, som dokumentasjon for utvinningsrett.

Avtalen/Avtalane gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 70 daa og går fram av kart i vedlegg 1.

Etter reguleringsplan datert 30.09.1996 med plan-ID 199601 og namn «Vassendemona grustak» er området regulert til grustak.



DMF ser på tiltakets status som avklart.

5.3 Økonomien i prosjektet

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk gjennomførbart.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av grustaket. Skildringa og kart- og snitteikningar presenterer det planlagde uttaket av førekomensten innanfor arealet på 70 dekar regulert til føremålet. Det totale volumet grusreservar som skal takast ut ned til botnkoten på nivå 51,5-52,5 er estimert til kring 400 000 m³. Det årlege uttaket vil variere med marknaden, men det planlagde uttaket per år er 40 000 m³. Det er planlagt drift i 3 etappar. Utdrivne område som ikkje trengst i den vidare drifta, skal setjast i stand fortløpende. I tillegg til driftfasane skal det leggjast fram ein plan for sikring og avslutting av grustaket.

Etter DMF si vurdering kan den vedlagde versjonen av driftsplan for Vassendemona grustak godkjennast. Ein finn at planen tilfredsstiller dei krava som DMF stillert til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetsmessige variasjonar, bør det likevel på visse vilkår kunne opnast for å gjøre endringar og tilpassingar i planen. Dersom Tiltakshavaren ønskjer å gjøre vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjør ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemd.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten



I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Stig Seime som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomsten.

5.7 Miljøkonsekvensar av utvinninga

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne og DMF kan setje vilkår i konsesjonsvedtak for å sikre kulturminne og miljøomsyn.

Det finst ein reguleringsplan for uttaket, datert 30.09.1996.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og artskart (giennomførte den 31.03.2017) er lagde til grunn for vurderingane etter naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Oppsummering av kunnskapsgrunnlaget:

DMF har ved søk i naturbase og artskart ikkje gjort funn av verken prioriterte eller trua artar eller utvalte eller trua naturtypar i konsesjonsområdet. Det er likevel gjort funn av arten sandsvale i nærleiken av konsesjonsområdet. DMF vurderer difor at det kan vere sandsvaler som hekker i konsesjonsområdet.

Sandsvale

Arten sandsvale er klassifisert som nær trua (NT) i Norsk rødliste for artar. Bestandnedgang av sandsvale skyldast blant anna tap av hekkelokalitetar på grunn av nedbygging og uttak av massar. Sandsvala nyttar grustak som hekkeplass ved at dei graver reirgangar i skråningane. Det er viktig å forhindre at sandsvalekoloniane blir øydelagt av anleggsaktivitet i hekkesesongen.

DMF vurderer at det kan vere at sandsvala hekker i grustaket, og sandsvala kan difor bli direkte rørt av drift dersom hekkelokalitetene fjernast i hekkeperioden. Arten er i tilbakegong og det er dermed viktig å sikre hekkeplassane gjennom hekkesesongen. På bakgrunn av følgjande må det ikkje tas ut massar i områder kvar sandsvalene hekker i hekkesesongen.

Etter DMF si vurdering vil slikt uttak av massar som det er søkt om forvaltningsmålet



for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.

Uttaksområdet er omkransa av dyrka mark, skog og vassdrag. DMF vurderer at arealbeslaget i stor grad allereie er gjort i forbindelse med tidlegare aktivitet. Massetaket fører til anleggsaktivitet så lenge uttaket driv på. Veger, busetnad og landbruk vurderast å bidra til den samlande belastninga.

DMF har kome til at det ikkje finst avgjerande moment som talar mot å innvilge konsesjon. Likevel har vi funne grunn til å setje følgjande vilkår:

- *Vilkår av omsyn til sandsvaler*
Det skal ikkje foregå uttak av grus/masse i området kor sandsvalen hekkar i perioden frå mai til og med juli månad. Det skal tilstrebås å bevare hekkeplass for sandsvale i konsesjonsområdet under drift, samt tilrettelegge for hekkeplass etter avslutta drift. Det vil si at det ikkje bør foretas inngrep, herunder avslutningsarbeid, i områdar kor det hekker sandsvalar. Bratte skrentar må like fullt sikrast i tråd med mineralloven § 49, slik at arbeidene ikkje medfør fare for menneske, husdyr eller tamrein. I forbindelse med istandsetting av uttaksområdet skal det tilrettelegges for hekkeplass for sandsvale dersom hekkeplassen fjernes etter hekkesesongen av drifts- eller sikkerhetshensyn.

Vilkåret går òg fram av vedtaket sitt punkt 2.4. Det ert tiltakshavaren som skal bere kostnadene ved tiltaka etter naturmangfaldlova §§ 11-12.

Konsekvensar av tiltaket for kulturminner

Det er ikkje registrert automatisk freda kulturminna i konsesjonsområdet. DMF minner likevel om den generelle varslingsplikta etter kulturminnelova § 8.

Forureining

Massetaket kan føre til partikkelflukt til vann og luft, med potensiale for påverknad av vannmiljø. Effektane på vassdrag kan være tilslamming og generelt forverra vannkvalitet.

Forureining i form av støv, støy og avrenning til vassdrag regulerast av forureiningsforskriftas kapitel 30. DMF minner om meldeplikta til forureiningsmyndigheten ved oppstart eller endringar/utvidingar av verksemda.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr. Tiltakshavar opplyser i driftsplanen at uttaksområdet i utgangspunktet er naturleg avgrensa mot allmenn ferdsel. Det opplysast vidare om at det er etablert ein fysisk sikring i form av vanleg utmarksgjerde mot vest, nord og aust. Det setjast vidare opp varselskilt langs kanten på stuff som varslar fare for utrasing. Det er òg etablert låsbar bom ved innkøyringa til uttaksområdet.



Vi har kome til at tilhøvet til omgjevnadene og nærliggjande område under drift ikkje er avgjerande moment som talar mot å innvilge konsesjon.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga: sand, grus, pukk og leire (byggjeråstoff). Råstoffet blir bruk i produkt som det moderne samfunnet er heilt avhengig av og som blir brukte i bygg, vegrar og anlegg. Tiltakshavar opplyser at førekomsten består av grus som hovudsakleg vil nyttast som tilslag til betong- og asfaltproduksjon.

5.10 Langsiktig planlegging for etterbruk eller tilbakeføring av området

Tiltakshavar opplyser i driftsplanen om at etter avslutning av drifta vil stuff vert arrondert på dei naturlege skråningane langs vassdraget som ikkje er rørt av masseuttaket, og som ikkje inneber fare for utglidning eller for ferdsel til fots. Desse skråningane skal gje grunnlag for etablering av vegetasjon tilsvarende den eksisterande lokale vegetasjonen, som er lyngmark med skrinn blandingskog. Dei deponerte massane av vekstjord og vegetasjonsdekke vil vidare vert lagt ut i skråningane. Botnplanet i uttaksområdet vil verte tilført vekstjord og dyrka for grasproduksjon. Vidare opplys Tiltakshavar om at det vert oppretthaldt eit uttaksgjerde bak avsluttande stuffar.

Etter DMF si vurdering er dei planane som finst for etterbruk eller tilbakeføring tilfredsstillande, og såleis ikkje noko avgjerande moment som talar mot å gje konsesjon.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshaveren har foreslått å stilla NOK 500 000 som økonomisk sikkerheit.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere tilfredsstillande.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 500 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal krevjast har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.

Etter DMF si vurdering vil det vere føremålstenleg at den økonomiske sikkerheita blir stilt ved bankgaranti og individuell fondsavsetjing til ein bankkonto som det etter ein eigen avtale om finansiell sikkerheit skal etablerast pant i til fordel for DMF, jf.



pantelova §§ 4-4 til 4-6. Tiltakshavaren skal ikkje ha råderett over denne bankkontoen, som skal vere sperra til fordel for DMF.

Bankgaranti – oppstartsfasen

DMF vurderer det som nødvendig at Tiltakshavaren, innan 2 månader etter datoén då konsesjonsvedtaket bleigjort, stiller ein bankgaranti som DMF vurderer som tilfredsstillande som påkravsgaranti for eit beløp på NOK 150 000. Dette er nødvendig for å ha tilstrekkeleg sikkerheit i oppstartfasen før fondet har nådd maksimal avsetjing. Storleiken på bankgarantien er fastsett på grunnlag av ei vurdering av kva som blir rekna for å vere tilstrekkeleg sikkerheit i denne fasen.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre nødvendige sikrings- og oppryddingstiltak som DMF godtek;
- (ii) Ved konkurs, opphøyre eller anna avvikling av Tiltakshavaren si verksemnd; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått, skal DMF ha rett til å få utbetalt det kravet som blir gjort gjeldende etter bankgarantien, utan omsyn til motsegner frå Tiltakshavaren. Bankgarantien skal stå ved lag så lenge beløpet som står på bankkontoen ikkje har nådd NOK 150 000. Når beløpet på bankkontoen har nådd NOK 150 000, eller tidlegare etter skriftleg samtykkje frå DMF, fell plikta til bankgaranti bort.

Individuell avsetjing, avsetjingsperiode og storleiken på avsetjinga

Deretter skal Tiltakshavaren setje inn midlar på bankkontoen årleg fram til totalbeløpet på NOK 500 000 er nådd. Dei årlege innskota blir rekna ut etterskotsvis på grunnlag av masseuttaket året før. Det skal betalast inn NOK 0,78 årleg per tonn utteken masse.

Ved fastsetjinga av satsen per tonn utteken masse har DMF lagt til grunn at fondet skal byggjast opp over ein periode på 8 år, det vil seie NOK 62 500 per år. I søknaden er det rekna med eit uttak på 40 000 m³/år, tilsvarande om lag 80 000 tonn/år, noko som gjev ei årleg avsetjing på NOK 0,78 per tonn.

Innbetalinga for masseuttaket må vere avsett innan 1. februar året etter.

5.11.3. Rapportering og dokumentasjon

Beløpet som står på kontoen skal dokumenterast årleg ved å gje DMF tilgjenge til ei oppdatert kontoutskrift. All avkasting på midlane skal godskrivast kontoen.

I tillegg finn DMF det nødvendig at Tiltakshavaren underveis i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart. Elles skal tiltakshavaren kvart femte år gjere ei ny vurdering av om sikkerheita er tilstrekkeleg. Når vurde ringa er gjord, skal tiltakshavaren utarbeide ein rapport og sende den til DMF utan grunnlaust opphold.



DMF kan også ha behov for meir rapportering og dokumentering enn det som er skildra over, og finn det difor nødvendig å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-3 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan også gjerast når som helst ved endringar i minerallova og andre relevante lover, forskrifter og vedtak.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drifta ikke er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell også bort dersom:

- utvinningsretten for statens mineral blir sletta
- avtalen om rett til å utnytte førekommst av grunneigars mineral går ut
- skjønn ikke er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikke overdragast. Det gjeld også ved overdraging av utvinningsretten.

7. Plikter for tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal tiltakshavaren sende melding til DMF. Tiltakshavaren skal også sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikke blir større enn nødvendig. Etter minerallova § 48 skal arbeida heller ikke føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikke medfører fare for menneske, husdyr eller tamrein. Etter minerallova § 49 omfattar sikringsplikta også gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.



Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakarar, nærliggjande bygningar og omgivnadene elles
- at førekomsten blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.

Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikkje finn grunn til å gjere om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjere greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

Med helsing

Maria Lauritzen
seksjonssjef

Geir Sigurd Hovig
rådgjevar

*Dokumentet er elektronisk signert og har difor ikkje handskrivne signaturar.
Sakshandsamar: Geir Sigurd Hovig*



Vedlegg:

Tildeling av driftskonsesjon for Vassendemona i Gloppen kommune. Tiltakshaver: Eide Sandtak AS
AVTALE OM FINANSIELL SIKKERHETSSTILLELSE.docx
PANTSETTELSESERKLÆRING FOR ENKLE PENGEKRAV.docx
PÅKRAVSGARANTI.docx
Drifts plan.pdf

Mottakarar:

Eide Sandtak AS Industrivegen 6 6823 SANDANE

Kopi til:

Gloppen kommune	Grandavegen 9	6823 SANDANE
Sogn og Fjordane fylkeskommune	Fylkeshuset, Askedalen 2	6863 LEIKANGER
Fylkesmannen i Vestland	Njøsavegen 2	6863 LEIKANGER
Norges vassdrags- og energidirektorat Region vest	Naustdalsvegen 1B	6800 FØRDE
Statens vegvesen Region vest	Postboks 43	6861 LEIKANGER
Anders Eide	Møskelandsveien 170	4580 LYNGDAL
Grethe Sagevik Eide	EIDSVEGEN 69	6823 SANDANE
Lars Eide	EIDSVEGEN 69	6823 SANDANE
Svein Arne Djupegot	BREIMSVEGEN 452	6823 SANDANE
Gloppen Energi AS	-	6823 SANDANE
Anton Kandal	KANDALSVEGEN 1099	6823 SANDANE